



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გრატა



გრატა

გრატა, (Emberiza), ფრინველთა გვარი ბელურასნაირთა რიგისა. აერთიანებს ღია ლანდშაფტში (მთების მშრალი კალთები, ბუჩქნარი და სხვ.) მობუდარ ფრინველებს. ევროპაში, აზიასა და აფრიკაში გავრცელებულია ამ გვარის 39 სახეობა. საქართველოში გვხვდება მეფეტვია, ჩვეულებრივი გ., შავთავა გ., ბალის გ., მთის გ. ისინი მიეკუთვნებიან მობინადრე და მობუდარ გადამფრენ ფორმებს. ლერწმის გ. აქ მხოლოდ მიმოფრენისას გვხვდება.

გ. სხვადასხვაგვარად შეფერილი ფრინველია, აქვს შედარებით გრძელი კუდი, საჭის ბოლო ბუმბულების კიდები თეთრი ან თეთრკოპლებიანია. იკვებება მცენარეული (მარცვლოვნები) და ცხოველური (მწერები) საკვებით.

**რ. ჟორდანია**

---